

燕石集卷第四

雜言

太白酒樓 延祐己未初自江南還京師途經濟州所作

我昔在髫年知有謫仙人少壯讀所作天才氣凌雲尋陽紫極



宮

往歲聞佳句采石青山頭前月拜荒墓夜宿簷下雲秋弄江
上月何如任城樓狂飲興豪發况有任城宰具酒復知音酒酣
隘八極世事徒駸々內子香閨夢伯禽嬌且啼人間火宅謾煎
逼政是 山傾倒時散披紫綺裘倒著白接羅銀臺金馬直一
唾方瀛絳闕行將去仙之酒杯失遺基樓觀雄垣表暗題咏石
榴海栢森西東謫仙人今何在汶水島山黯蒼靄手揮玉鞭騎

玉鯨應在浮雲九州外仙人魂魄茫氤氳望之不見矧可親明
朝我亦玉京去願謁蓬山賀季真

三五七言 樂亭縣作

寒空高寒雁號霜氣嚴征折風威薄錦袍一夜相思心似海荒
城四望愈怵

塵泥嘆

至元元年乙亥七月久雨後

經涂九軌壯王國歧蹊委巷錯綜若緯織疆車石馬匹億旦
躡輓化作深土深數尺汚人衣冠垢人髮膚飄簸蕩穿入牖
漬几席令人生憎心內熱氣鬱悒豐隆裂缺怒赫天雨下土
痛濯滌漲空埃塽淨無蹟洒然頓覺醒胸臆誰謂漏天霖霖教

十日塵固無復作崇泥淖乃爾亦可疾輿陷三十輻驕馬至不
能援其膝壯夫徒行循墻僅于弱婦孱子悉魚貫困躓七月
中氣處暑畢陰雲未徹霽未必小夫賤隸又恐風高日出塵復
作輾轉皇惑計無所出我為呼天勅鬼工運甍或伐石甃疊平
安妥泥少塵亦息

送翰林編脩成誼叔驛石魯子翬學士于鄧遂便覲省成

由國子生鄉舉于大都至順四年登科今始得歸鄉里

盛時寰區奠金甌四方才子紛來遊郭隗臺荒登不得李膺門
下文難留南陽年少詣闕下氣如鵬鶚文如彪長松聳壑被斷
削大玉作噐辭琀璵既不能上書謁宰相又不能投刺于王侯

獨抱獲麟經信如渭濱鈎鼓篋橋門不盈歲奪標桂苑僅經秋
挽疆一中揚遠業不識楚人三剛愁落一拾地芥肯貽鄉邦羞
錚、破大荒迺在帝 州泥金帖子附家信上報里中父老驚
倒同門倚玉堂載筆事方始北堂戲彩心難酬書藏石室報天
子遂我拜母三年謀薊門一昔歸心起夢裡阿嬭驚且喜驛樓
佳樹拂絨鞞詞館新篇盈重紙家 風景有如此關吏歡迎棄
繻子疾趨慈 笑稱觴次謁鄉賢忙倒履浮雲暫蔽奎躔雨須
信斯文難墜地招邀郊數鳳麟來菊花潭上送君始西南歸路
平如砥太行山色青如洗我幸君歸且怨別心逐太行山色送
君直過黃河水

奎章閣學士院照磨林彥廣代祀嶽鎮海瀆以詩送之

天子代天理萬物輔相治明神治幽贊佐化育兩交盡始得物
無疵厲年有秋神有貍沉牲幣封爵位號祈報古典禮人則公
侯卿相秩祿寵數等且優廟堂燮理未始有乖戾無乃神失職
遂使燕趙早暝吳越餓孳盈田疇九重宵旰念民命慎簡清直
乘軒輜分詣諸神祠焚 塵空馳突不少留恒嶽奠畿輔濟瀆
河內為上流矯首東南行徑指會稽秦望遊衣冠架庭陞珂珮
鏘琳瓊椒漿桂酒感彤纓行籩木豆羅脯鮓焚香早致辭盥手
屢叩頭潤澤善利貴望水興雲作雨噓喻燥濕申命林麓原隰
諸林立我知山靈川后今歲效職致豐稔不負天子聖慮貽我

使者羞

古樂府

追和何謝銅雀臺妓

寒露泣丘草悲風漳水聲黃腸定何許歌吹徒營
總帷守明
月佳人情不
眠中不得近痴絕望西陵

秋絃怨

海風吹涼薄璇宇桂壓鉤欄秋作主銀灣凝月澹游溶雲彩粼
粼騫鳳羽玉帳懸沙塞夢寒沙淚啼秋山迸泉哀菴不解論心
素金字空侯挑夜弦大漠沙如雲去京三萬里弦聲隔秦城無
路入君耳七星西橫露漫金
刀剪衣丁夜眠他日賜金高似

屋粟姚應是 嬋媛

漢宮怨

趙飛燕漢春如一日色映豹尾竿膏香髮鬢漆掃粉浴蘭雲帳
底三十六宮寒如水天教痴妬擅浮榮綠篋絨傳還啄矢唯餘
擁背人煖夢黃金殿西風長信深塵埋舊紈扇

兩頭纖

兩頭纖、豪承鬢半白半黑月蝕空牖、膊、叩頭蟲扇、落
落真英雄

兩頭纖、針背魚半白半黑蠶紙書牖、膊、兩跳珠扇、落
落戴石砧

五雜組

五雜組縲鍊掣往復還寒暑節不獲已新昏別
五雜組眠纈眩往復還烏衣燕不獲已沙戰
五雜組禕翟衣往復還大明輝不獲已妻兒飢

戰城南 天曆元年秋

戰城南戰城北前軍失利勢日迫敵兵過谷徬騎據水相搯乘
間格鬪日薄西陸大車傳饗且熙且戰彼竊不得晨炊伯兄刺
弱小弟父子對射泣涕而馬踐渠谷行仆躓劍鋒刺落左辦腦
骨披厚陳雲霧斂烏烏四向集高天厚地哀我身死名不立奏
凱第功賞持書論首級皇帝陛下聖壽千萬歲掩骼埋胔告郡

邑

擬古辭寡婦嘆

弱質生良家幼歲聽傳姆訓戒言聞有三從夙夜居常惕然及
年適夫子自意偕老死歸黃泉上戴蒼天之天下有我履之厚
地竟不酌我頤為婦未十載夫子忽舍我去魂魄不復還尊章
哭其兒且哀我少寡居涕泗恒漣我哀曷已恐重傷堂上心
茹恨忍死強自寬撫育四三孤紡績治生供衣服粥餐教養幸
成人奉夫子祀事以樹立家門上奉尊嫜耳旨不敢少怠猶夫
子生前華飾不復施衿鞶纓佩置之埃塵有耳不敢聞相外事
律已逾于未嫁先自分為待命未忘人禮法自防豈敢愆猶復

小郎口說說、姻族攬捩相熬煎、欲誰訴祇苦、內割裂
欲死無緣賴是縣官旌宅里、中稱孝且賢少自我心瞑目無
所怨許曰已矣乎薄軀奚術求全願言禱大司命生世莫作婦
婦人即復作婦人願死在藁礎前

流黃引

桂庭月午啼鶯間鸞宮露下冰紈單酥燈毳帳雁門塞妾心料
此中閨寒流黃縮澀微含潤錦石鋪雲瑩相襯細腰杵急夜如
年搗碎商飈不知困春織易製添光澤鳳花入眼波紋溢東天
鴈、呼侍兒快取衣箱金粟尺

竹枝歌三首

洞庭舟中賦時至治二年二月

正月二月不曾晴
蘼蕪洲邊春水生
黃陵女兒年紀小
學唱竹枝三四聲

菜花一尺籬門開
粟留聲斷斑鳩來
舍南青苗没人插
即在黔中何日迴

東山日赤雲氣昏
河姑勸我莫出門
持筐採得桑葉滿
直到阻雨溪南村

又二首

自遂化縣還京途中作至治三年春

五里河邊脩禊時
犢車載得細君歸
河邊柳色迎草色
山雲結雨行人稀

野春平碧生煖烟
虹聲橋南畔沙漫
天潞陽河上見酒
旆直下

復有釣魚船 紅橋在通州河東三十里

又三首送余德輝還池州

春城客子酒著顏
迢迢秋浦是鄉關
江海月棹歌去南
尋李
白何日還

沙渚青、芳草茁
梅根潮落蒲
發江頭少婦卜
金錢行人歸
來有華髮

江東酒船可拍浮
江東女兒嬌且羞
况復春江花月夜
吳儂還
向箇中留

又四首送安慶教授朱仁鄉

城南城北雪不消
城門道東無柳條
我儂相別無可贈
學取楚

語作詩謠

淮河岸 春草生
淮河舟中客子行
春江花月擢歌發
吳儂伴
我過清明

南是長江北是淮
中間獨坐吟高齋
有書不報朝貴客
有夢不
憶長安街

往年泛舟揚使旌
七月八月江水清
秋江亭上好風月
莫恠我
儂忘寄聲

泰定二年秋予使過
郡幕府李廷玉留宴于秋江亭
明日始發李今仍為郡寓公
又六首自温州抵處州途中作

江南十月如春暉
不知北土霜霰霏
攬嶼亭前橙薦酒
瑤嶺
上汗沾衣

客城洞口朝雨霏江心寺下早潮迴永嘉山水自好在永嘉過
客不重來

此去京城五千里川途脩阻萬山我好山好水且消遣欲說離
愁將奈何

思遠樓前罷登眺華蓋峯下好吟哦東甌舟子趁潮去棹謳不
似竹枝歌

山頭小雨雲如衣山下白烟是 吹永嘉上流無驛路永嘉舟
中宜賦詩

石如鸞卵水如玉安溪戈 清有餘我儂舟中多樂事坐 看

楊柳詞

齊化門東馳道上鸞黃閃色弄新陽憑誰移向龍池 搖曳宮
花撲面香

又六首通州道中作至元四年春

第一鸞黃映曉烟梢長孌娜弄暄妍待得濃陰滿夏日不如春
月取人憐

夾道青、到鳳城一般飛絮兩般情離筵見處泣相送歸鞍撲
著喜相迎

玉泉山下綠絲垂曾見先皇駐蹕時翠輦金輿何處去煙條露
葉不勝悲

金鞍曉拂枝頭露珠帽晴沾苑內塵古來每見人悲樹如今却
見樹悲人

齊化門東醉別時主人折贈最高枝船開酒醒潞河遠回頭烟
樹漫參差

北客還鄉二十年来時楊柳故堪憐而今張緒生華髮手弄柔
條一惘然

轆轤曲

漢月轉桐枝羅衣怯嫩颺銀瓶輕墜放驚散乳鴉兒

綠水曲

妾家若耶溪門扉綠水西桂月破烟暝波明楓影低潮痕暗沙

蒲浦空雲飛蘋洲風未起待妾採蓮歸

垂楊曲

唐體和張仲容

杏花雨小西暉出紅鴛微步芳溪曲垂楊樹暗粉墻高却上晴
樓窺宋玉檀奴不到心茫茫春波一眼無鴛鴦菜花蝶子不解
事雙飛直到蘆旌傍含嬌倚困愁如許捧硯輕綃識眉宇柔情
書滿紫霞笺教與雕簷綠鸚鵡

春城曲 和馬伯庸

孟陽丹青年度樂酒踏歌寧計數魏花如斗雲光紅揚鑣迤
邐城南路門前佩馬春泥聲香闌鎖暗銀杯傾可是卓姬能竊
去梁園司馬擅才名

楊花曲

宮鶯百轉花房委燕子日長三月尾玳瑁鉤簾後閣空殘綠拂
度銀塘水白袷春衫俠少年旌旗別恨相縈牽盧家小娘不閉
戶低回交舞粧臺前軟風吹香嬌脉脉西園塢徑東園陌雲蹤
兩迹香難憑身年誤殺金釵客

殘春曲

三月初盡四月始天氣無常每如此雲垂占雨脚近日鹿脩
驚風勢起宮槐翦檉花如洗南園情淨如水公子王孫醉不
歸酒醒一昔芳心死繁華去矣餘塵埃愁來不飲空持杯詩筵
蝶頻稀少賓館柳絮猶徘徊少年但知恣歡賞不道天時有

來往青軒無計駐芳菲赤帝多情催長卷

第九十一首 三字疑悞 簡西碧

河水濁淮水清中央置縣樹孤城縣中置令司群氓官尊無差
遣俗善少鬪爭令果仁賢嚴且明能令民衣食餘饒鷄犬不驚
恩澤旁浹垂令名圭田租入足代畊鮮醲飲妻孥饋遺及友生
何必黃塵赤日飄纓紆組趨神京始得稱豪英嗚呼簡君官
甚美我歌送行不軌陂頌君莫學河水學淮水

杏蠟辭

和馬伯庸泰定元年作時初瓜第科

霞綃簇春笑紅雨曲江芳情惱遊子郎君焰光高二丈燒殺杏
花三十里觴酣小駐龐姨家鶯歌溜玉鏗紅牙華裾飄麝鬢

楊花曲

宮鴛百轉花房委燕子日長三月尾玳瑁鈎簾後閣空殘綠拂
度銀塘水白袷春衫俠少年旌旗別恨相縈牽盧家小娘不閉
戶低回交舞粧臺前軟風吹香嬌脉脉西園塢徑東園陌雲蹤
兩迹香難憑身年誤殺金釵客

殘春曲

三月初盡四月始天氣無常每如此雲垂占兩脚近日麗倏
驚風勢起宮槐蒼鬱花如洗南園情淨如水公子王孫醉不
歸酒醒一昔芳心死繁華去矣餘塵埃愁來不飲空持杯詩筵
蝶頻稀少賓館柳絮猶徘徊少年但知恣歡賞不道天時有

來往青軒無計駐芳菲赤帝多情催長養

一 河淮曲送桃源縣令簡西碧

河水濁淮水清中央置縣樹孤城縣中置令司群氓官尊無差
遣俗善少鬪爭令果仁賢嚴且明能令民衣食餘饒鷄犬不驚
恩澤旁浹垂令名圭田租入足代畊鮮醲飲妻孥饋遺及友生
何必黃塵赤日飄纓紆組趨神京始得稱豪英嗚呼簡君官
甚美我敬送行不軌顰頤君莫學河水學淮水

杏蠟辭

和馬伯庸泰定元年作時初瓜蒂科

霞綃簇春笑紅雨曲江芳情惱遊子郎君焰光高二丈燒殺杏
花三十里觴酣小駐龐姨家鶯歌溜玉鏗紅牙華裾飄麝鬢

豪綠上馬行陪擇婿車

乞巧辭二章

京師里俗以七月七日昏時設祠乞巧于天星織女蓋閨人處于惑于荒謬恠誕之說不事箴

組觀倖渺茫虛無之效卒無所得于閨其愚遂設為婦禱神谷之意綴成此章假辭託興以譬夫世之學者昧下學上達之理忽畧遺棄于日用尋常之事而謂聖人之道高遠玄妙非力行之所可企及當求之于恍惚有無之域是以終于無聞漫不知省因以為戒且自警云爾

若有人兮炫服嫋容稟慧淑兮思擅女紅邈天媛兮揚靈資禱
祠兮或通明月兮為宮瓊筵兮名供饌餽兮桂醕蕙炷兮蘭缸
紛娣姪兮翻翻儼竦息兮敬恭晞明兮嘉惠感歎懇兮弱衷
抒絕藝兮告予啓下妾兮昏蒙族疇蠻兮

極勞心兮忡

若有人兮天渚廓憑虛兮容與長褊結兮雲衣鏘琳瑯兮珩璜
擢翠旌兮前導守召星妃兮為侶肅冷風兮高馳指葯房兮來下
哀要眇兮闇昧况冥冥兮晤語日婦職兮寔人為懋劬勞兮事
纂組諒紉針兮製作將剖毫兮析縷祇乞靈兮詭秘羌遺誚兮
鹵莽女怙悵兮太息渺神君兮遐舉

彭宗建思親堂辭

羌吾有身兮思孰厚於親兮愛日竭力志猶未信兮生事不及
思之極天兮思兮思兮豈徒勞吾神兮不愧不辱貽令名于不
泯兮孝子錫類推吾仁兮諱語德色尚人其人兮

延平葉將軍敬葉名衡字仲輿

鵬鵠膏分兩刀明筋錄索箭雙帶輕將軍意氣紫電騰竹函龍
節閩中行叢巢簷柵妖氛死歐狗餘氛淨如洗絲幅繡跨事畊
禾牲酒晝歡門夜啓有時整隊搜林樾鷄狗不驚如鼓歌懸刀
解箭燒紅帙倚帳酣吟刺桐月

歐狗至元間福建劇盜党與甚衆故平章徐國公徹里討平之

天台道人詩贈項子虛

天台道人住幽燕相知垂及二十年黃冠羽衣固不與衆異心
脾一片常若冰雪之洒然腫子點漆黑兩頰朝霞鮮不知世有
熊經烏伸吐納練攝之秘術方寸垣、泓淳淵濶閭府署得失
已不挂齒頰煉丹蛻骨又不形語言不曲意諧俗而俗自喜不
超然逃名而名自賢不為壺公左慈之幻眩不為祠竈却去之

誕謾病者相謁徑走馬徃救不屑責報歸來燕坐高槐軒藝
精時猶閉戶寃難素客至大叫拍案治具傾玉船共談南土風
物輒歎笑京衢風沙暑雨亦漫不厭能留連我為道人寫真已
太逼何用繡素施丹鉛他年史筆不傳方士傳方技歷、為我
徵長篇

知足齋歌

東海蔡平甫未七十致仕以知足名齋其子升卿與予為同舍生江陵郡庠

人生堪輿渺海粟心為形役太愁願歲衣十匹適燠寒日飯兩
盂充餒腹口體之奉蓋養生蠅營苟復功名軒裳茵鼎遂雅
志白頭皺面無歡情四十不作尚書郎倏忽頭顱已如此淵明
那嘆松往荒李鷹豈謂專鱸美蔡侯靜者吾故人老聃名言書

諸紳向持白簡肅江漢今祇牙緋耀里鄰幅巾藜杖書連屋孫
子田園多厚福久知薄酒勝茶湯在思得隴復望蜀五陵純袴
爭紛華掠剽鬼瞰高明家旂常行帛渺何許雲陽市上令人嗟
左手持肴右持酒，酣起舞歌擊缶采衣照映酡顏紅不識門
前斷腸柳粉榆鄉社安樂窩靈臺瑩澈恬無波烟水雲山動高
興玉堂金馬奈予何

燕石集卷第四終

燕石集卷第五

律詩 五言

秋日寄牛農師

酒記春深秋未 信音出門誰共語策杖祇幽尋晴葉因風
寒螢著露吟荆門霜落早離思亦難禁

同十七弟訓南城訪友不過且聞有將陵之行

芳徑暴橋西徘徊白板扉家人出簾語小季掉鞭歸榆莢晴將
老楊花晚漸稀仍聞欲南掉情思愈依依

送張光道歸洛中

惆悵都門道還家又布衣著書毛穎秃歸隱蕨芽肥南陌經春

兩西

聽誰復理金徽

馬伯庸淮南別業號石田山房指韻求詩仍依次用

窈曲愚公谷縈旋戴氏池人從西掖召文任小山移畦稍收新
粒巖花艷故枝地因人愈勝心共景相宜戶晝孫常閉園春董
不窺紛華忘世變裏素付天知暗篠藏仙客喬林噉竊脂淮流
紆大帶楚岫作修眉輞水堪摩詰樊川稱牧之山房空蕙帳猿
鳥望歸期

太學生劉君定挽詩二首

君定西域人延祐七年中大都鄉試是歲冬客死京師其父母

時在浙西蔡思庸字有道陳可久字宗得皆曹子之翹楚者是歲并亡故及之

風雪喬松偃澗阿辛儀思蘊藉文采失中和前日陽

朝薤露散天高鬼神惡此世定如何

蔡子乘虬去陳生跨雀征人方憐二妙天遂奪三英推弟攀輓
哭群公執紼行庭闈四十里悲動浙江城

漢陽拱北樓

世祖開寰宇遐邦寢甲兵賢王違曠僻中國慕升平鳳詔疏恩
錫命榮白茅分赤上文組擢華纓北極群星拱東溟衆
五朝嘉篤懿百代述忠貞戎幕招僚佐書幃下友生克仁
天廣大漢道日昭明德重心逾小功深寵不輕朱軒臨巨鎮畫
戟照高閣執玉雲霄近吟詩江漢清蒼宇秋摩鵠碧海夜翻鯨
竹帛垂丕績衣冠播盛名長歌有餘興誰識曳裾情

盧疎齋趙平遠小像

盛德不孤立鉅邦尊二賢
盧翁官察訪趙使職旬宣
契分元偕白襟期甫暨
虔栢森競秀珪瑩壁相
聯高誼雲霄外清標几
杖邊句枝時絡繹盃筭
日纏綿宵候丹砂竈秋
鳴綠綺弦嶽躋同謝妓
湘泛共膺船釀酒矜方
妙裁衣闔品全教嬉驅
騶裏笑詠撫婣娟密通
通家好留連對榻眠閑
閑常習靜揮塵或談玄
閒潔山中相脩搖地上
仙儀刑人倏逝手度世
爭憐肖貌開光霽垂名
著簡編精神棲落月思
致薄凌烟豈直江潭重
應齋宇宙傳長沙多勝
境並祀待他年

挽嶺北省郎中蘓子寧 真定人

河朔多奇士樂城有令孫
策名遊宦海行慶出儒門
兩府推曹掾群公聽討論
天池鵬遠擊雲鶴高竄騰
踏初云邁驅馳豈憚煩
河汾一白簡江浙兩華軒
史牘機推密官聯體統尊
流之

註誤得平友村器揆楠
聳自襟雲夢吞北藩曾入
幕南攀轅夙望存臺閣聲
能著塞垣芸編蔽子訓芝
檢答親恩顯迓昭代荒涼
惜故園修程車騁轍厚福
水流涼政撫青霄立俄瞻
素旆翻佳城儼新市搔首
賦招魂

送楊惟霄 字與似

浩々岷江水循々蜀郡人
山川賦清淑弦誦襲真淳
毓秀年華學業新金鐘懸
彩簾玉樹照青春翰墨資
耆舊才猷怨

淪前時辭不國指日問通津懷土心雖切觀光氣遂振鯨魚
碧海鷲擊蒼旻識鑒茲無媿因依得可親吾儕陪客次汝
伯實儒珍促席襟期密知意語笑頻悲歌忘宇宙忼慨惜風塵
愛爾情俱似而今意愈真開門車馬集與室簡編陳會合時雖
久漸摩德有鄰三年曾刻楮一旦忽思尊自分燕推鈍深慙越
女曠贈言申繾綣別酒話酸辛時世文明日詩書少壯身重來
偕計吏何用苦傷神

同年小集探策賦詩得天字

仁廟尊儒術嘉猷匹苦先丕詠繇列聖大比涉三年棟拔歸陶
冶招徠際幅員文星明似月公道直如絃世運逢熙洽吾儕屬

引延兩班延虎拜多士出臚傳恩重冠裳賜銜清館閣聯綠章
趨畫闕華服曳春筵載酒芳垌外聞歌小海邊歡娛能幾日去
住不同天文省搦辭麗容臺執禮虔四門崇教育庶府雜周旋
桂玉悲妻子塵埃歷市廛緬思州縣職恒畏簡書愆苦樂寧非
分并況各有緣
綠雲隨風力斷萍逐浪花牽幾聽宮

鴛鴦頻驚海月圓重來情翕々復會語綿々問夢觀青鬢遊嬉
駐彩鞵但願玉笋那復計金錢發興分奇韻抒懷託短篇勤
勞有王事
諸賢

和真人所居雲州金閣山有異香

真人持玉節高居坐霞風度三山杳杳聞數里賒氤氳翠羽

蓋旖旎班麟車無緣訪玄跡應赴蔡經家

送姚子中叅政江浙行省

時浙省平章曹某罷免

學蜚騰蚤中朝踐履多嘉謀思妥帖直道忍姦姍物議和
釣 嶽峩鳳池春入幕象魏曉鳴珂醞藉登 酒輝光厲
阿久勞禪國政暫出省民疴眷注恩何厚操持行不頗牙旌
紫禁鷁舫下黃河竹樹供圖畫江湖入詠詩金山誇蘭若赤
岸繁祥剏館傳雖豐飾登臨得幾何自公方變魯視事肯隨鄭
保障逾閩海征財及茗醯民居散鴻雁水患助蛟鼉恤匱施仁
澤搜賢置禮羅贈言徒感激報政敢蹉跎去國時寧久辭鄉語
漸訛殊方善調御趣召鬢雙皤

從駕觀承天護聖寺

至順二年五月

陪駕西郊外遐觀倦 還荷深七里泊雲近五華山境勝嗟來
暮官微媿不間憑 歌夏諺直擬重躋坂

送蘓伯修內翰南臺御史

若人抱竒璞柱史稱高情含霜趨建業踏雪過蕪城奮彼澄清
志違此交友盟相思 餐飯貞哉保令名

送方公亮揚州教授

莫伏蕪城賦長歌藻泮詩盤飧陳首藟虛座擁臯比鼓蠡家何
近漳 襪不遲春城且冰雪能忘別離時

靳士昌宅前大樹

丈門前樹多曾閱市人斜梢侵寺塔直榦瞰城門喜映龍樓
栖馬市塵何時濯枝雨老翠尚能新

送江東貢有源分韻得庭字以著書除學官

說宣城郡名家聚德星因君詣京闕如我到門屏畎畝知聞
道詩書出過庭歸航有毛檄不負世明經

寄題水木清華亭

地開三徑荒山住一翁棲遲瞰澄澈結構倚葱蘢畫檻穿黃
塍散白蹤雲湫龍恍惚月砌鶴氍毹孤村日號秋萬
壑風溪流明見底岩樹潤通中曳杖行霜果寒衣檢露叢榴花
香入戶杉葉勢侵攏獲罷平川迥樵歸狹路窮嵐迷峯上下泉

合澗西東陂養魚千石秧移地百方收成防省鼠種植聚奴童
薯蕷登秋課禾麻驗歲功要賓如鄭驛遺子似龐公物外心何
遠朝中信不通坐從書帙亂飲拚酒尊空物樊川似生涯朝
口同嬉遊未可到賦詠或難工

遊崑山慧聚寺和唐人詩二首

碧雲天一方休公具禪牀天女散花近懶殘煨芋香殿燈耿寒
施波月燈冷光願言謝朝綬托身栖道場右孟東野韻

天外山光近峯顛海氣吞潮憑風作陣雲藉石為根鳥重烟藏
樹帆多水遠村僦高暫詩酒回首望修門

遊虎丘回宴舟中

名郡值佳境良朋諧勝遊閭門暫弭節虎丘同泛舟岸莎欲佐
舞波魚能聽謳對酒寫高興不樂復何求

送張謙受歸天台

客路五千里三年謁帝居新豐空對 光範不投書高興蓴鱸
外清標翰墨餘臨岐贈詩句惆悵欲何如

崇天門即事

鶴班底透迤曉思遲偶因迎冊處却憶唱名時御水流故
道宮花換舊枝自慚無補報四十髮先衰

兵部侍郎王崇道出守東平

使君朝著久暫出守名城祇羨黃堂貴能忘粉署榮編民瞻

履候吏引麾旌早寄高齋咏令人識政成

城南道院即事 六月二十八日

徑草纖、苔痕遇雨粘風光殊不惡涼意復相兼
多藥斜侵 城蒲桃亂入簷可憐成小憇不得遂幽潛

雄州道中即事

南過新城道田疇迥不同長溝如浙右下壤似淮東塘灤依
枉橋梁處、通道旁遺 說此可治農功

賈恭人哀挽

賈郭氏其夫由征交址為百夫長戍抗子某
代為之迎養恭人于南既歿歸葬中牟

彼美涵濡厚于歸樹立艱持家夫效勇襲 子承顏海錯供甘
旨河壩返珮環因嗟陳孝婦不見藁砧還

送簡秋碧河源縣尹

文墨終堪奮牙緋亦自豪身留闕下久官入嶺南高兒子隨行李鄉隣具濁醪長材能製錦何憚折腰勞

南城天慶寺僧雅致亭

一昔到上方塵慮能相忘鼎水他山茗爐烟異國香雜芳供春艷佳木通夕涼不有草堂咏那聞贊公房

宛平縣尹李克中號約齋

赤縣微呼際淄塵浩瀚間事隨紅日出心共白雲閒萬頃魚龍海重霄虎豹闔人、瞻北極處、看青山

次韻謝敬德司業冬至夜見念詩二首

曆肇羲和紀雲從太史書寒威儘粟冽陽暈漸舒徐消息存元氣行藏問太虛茫茫、十歲測坐致欲何如

陶令惟耽飲虞卿漫著書雄文莫弔屈高士不徵徐酒肉朱門臭塵埃白屋虛古交崇節義時慕蘭相如

元夕西門外訪友

信馬出林垆因君得暫停春燈九子殿夕照百官廳斷水冰猶白荒陂草未青遙觀陪扈處懷昔意冥冥

送明理赴南豐州判官

吳越流亡歲湖湘餽餉時日前堪撫字江右少瘡痍上佐官何羨南行樂不支盛年思報國莫動別離悲

先兄正獻公墳所寒食五首

車馬自駢闐風寒復禁烟野筵唯拒糝村女亦秋千遠岫清明
雨高墳白竹錢乞墦君莫咲攫肉有輕鳶
纔動山林興還增畎畝憂夕陰仍不雨春冷欲如秋撫舊誰傷
悼來時盡醉遊農家多苦旱啼殺舍南鳩
樹冷香燈花池乾草勒芽愁吟春自淺樂飲日還斜遠翼摩霄
霍喧傳得食鴉城中火宅苦吾欲覓仙家
兀坐尋詩句豪吟引酒盃悲歌常激烈暗咏亦徘徊 向眼前
得興從天外來成章多坦率猶待故人裁

三 宿春郊留連不肯回尋詩乘款段步屨踏莓苔勝境僧多

占深村客少來明朝入城市那復好懷開

送王君冕歸長安

去國三十里登科二十年盍簪方晤語分袂忽言還書帙休晨
檢詩筒息夜傳更無吟偏側惟有恨纏綿

遵化縣感懷書事二首 巡歷京畿東道

驅馬出京華疲民盡怨嗟孤臣難報國老客不思家 雪觀雲
氣占風看月牙翻思未過日喟傲寄烟霞
有疾不飲酒無悰難賦詩豪強妨撫字姦點玩鞭笞瘼堞群鴉
集荒山雪意垂庭前一瞻眺聊爾當遨嬉

宿安平驛

按行河南四道

屋西山氣合門外竹光浮總為襟懷敞不知行後愁清時少詞
愬樂歲美田疇帝力知難報猶須動隱憂

南漳縣留題 錄因襄陽

寂々南漳縣照々稍可居水流穿町曠山色瞰階除木槿能紅
白芭蕉半卷舒訟庭無判牒聊復寫清虛 窠下有白槿盛開
均州順流之光化縣舟中作

岸濶漸無山波平頓少灘魚來晨艇集穀熟夜廬看野處民生
遂江行旅思歡仍聞囹圄靜尤覺老懷寬

襄陽

暫駐襄陽府懷賢一惘然留名墮淚石得計遺安田醉聽欄街

唱饑餐縮項鱸詩人亦痴絕四美欲魚全

江瀆行祠

曉出楚城東叢祠脰蠻通沙高淤象嘴波靜閔龍宮吳蜀源流
遠薶沉世我同所祈無潰決相我歲年豐 象鼻嘴沙岸之以形
似名者

四月晦日即事

暝樹俯踈櫺陰 簇廣庭連綿送月兩歷落照沉星好友違千
里痴兒昧一經近來忘百慮恬淡養遐齡

復迴下外朝山行白浪道中二首

惴々均房道重來又數程步溪愁石坎苦雨畏雲行履險神魂
散忘私性命輕回車從小憇呼酒賀更生

徑路行餘出沙灣宛轉流群山中不合萬竹翠相繆稼圃何粗
鄙桃源豈繆悠境奇詩句拙摹寫媿林立

李清卿遷掾淮東時已貢六察掾再娶奉母登舟

將母邗溝上召 屆遠行不須生別恨所重立修名謝絕山中
險方來海上征續弦新井臼讀律古章程夜月孤舟穩秋風五
兩絰中臺辟書蚤便道易趨京

冬兩

十月楚天兩同雲暗八荒前山應是雪此地不成霜氣混朝嵐
重穉蕪夜漏長閑庭斷來往幽思渺無方

枝江縣獨坐按部峽州

澤國持龍節蒙恩備使臣簡書時自理燈火夜相親山雪迷殘
臘溪梅借早春所憂無異政何以慰斯民

環翠亭述懷至元元年正月

江縣閭閻合池亭水草交紅 過年葢綠竹隔牆梢清興詩聯
集微疴酒盞拋何能遺世累雲外結松巢

次前韻寄蘓伯修韓大雅

園令常多病稽康欲絕交遊魚躍江浦宿鳥聚松梢遠志何時
遂聞愁一昔拋故人多顯達阿閣鳳凰巢

太古詩并序

高昌拜住太古後至元丁丑拜御史廉直有令聞汝寧
民群作亂君奉命治其獄無冤濫久之劾一巨姦忤權

臣二年不調庚辰春推臣敗始遷山南憲副為御史與
予同僚嘗為太古字說今來山南予亦僉憲事再微鄙
言因紀其事以贈

宇宙萬年外汗隆百代中時艱崇謫詐世降逞姦雄效職心如
石攻邪氣似虹如君多布列庶可返淳風

商山道中早行

五月商於道驅羸戍夜行萬分地色千澗混鷄聲野磴乘機
置山田冒險耕浮名致萍梗吾亦嘆勞生

閱鄉道中

風雨度崦岷新晴喜若何雲間瞻太華馬上看黃河心已形
役身無抱病多平生遠遊志垂老漸銷磨商洛秦陝步皆陳
晴亦猶山陰道中使

人應接不暇長安城中碑刻亦不能徧覽况近郊乎雁塔梯級
久廢曲江在其東而亦久涸一登含元殿故基未央宮在漢城
匆遽不及至但求得一瓦而已興慶池廣袤五七餘里荷菱藻
茨甍望岸傍古垂楊甚多南白鹿坡甚近華萼相輝太真梳
洗等樓基皆儼然僕始至及邊諸公迎送皆在長樂坡灞橋嘗
一過澆水嘗一過華清一浴緒嶺一觀華陰顯靈宮并嶽神題
名歸程過藍關秦嶺宿藍橋現裴航洞上七盤嶺下瞰輞口莊
商山拜四皓基又廟外此皆不暇及也予年來行四方見山水
頗多然各有可取至于長安城中望終南山天下古今妙絕也
惜病多才劣且奪于飲晏不及富于吟咏

送王止善廣東市舶提舉

嘗為兩浙運司及海道府幕官

送子炎方去臨岐發永嘆如何醫國手祇作理財官海宴商颿
盛風清客枕安番禺天不遠佳譽徹朝端

送馮公屬江浙參政分題得楊子江

萬里岷峨水維揚會衆流雲濤傾楚尾天塹吳頭北固山光

近南冷水品 離亭風笛晚古寺月 秋衾烏承新渥衽麾
鎮上游瘡痍煩撫定景物肯淹留 步 凝眺無城動別愁江
波深更濶應似廟堂憂

清苑張節婦 遺腹子某人為左衛幕官節婦年八十容

一綫艱危路伊人亦自賢蘭芽始撥雪桂子已吞天苦節年齡
永哀宗福澤延一時華表柱千古栢舟篇

徐元庸寒泉廬

孝子終天恨寒泉未足云水漿不入口鹿豕與同群手綫今何
在杯棬豈忍聞素冠曾有刺珍重守孤墳

送張掌儀詩 并序

先正立國子監學規選伴讀生謹學練達者一人克掌儀
凡春秋二丁泊吉月釋奠先聖弟子執藝見先生旦夕
拜一切禮節悉諫之東鹿張中德被選克是職者三年一
日謁告歸者諸生慕其謹厚練達且近歲間有不得善去
者咸惜其往賦詩以道其情司業宋聚高諸生之誼畧叙
其際而系之以詩

之子寧親去橋門忍別離一時分祖餞六館重威儀鄉國青山
近宮牆白日移功名已在望菽水未妨遲

至元三年六月八日史尚作休從伯京御史公亮太監伯

溫秘卿伯循待制暫至城西秘卿待制別去伯京歸家
予遂偕公亮回憇都水監及清亭監掾平伯欽留飲即

席賦五言十八韻

皇都官曹盛銓衡簿領優公庭臨紫陌賓幕對滄洲樹影移門

暗荷香曲榭幽亭臺分錯繡車馬去如流市廛塵聲杳山明霽
色浮廣寒南聳殿齊政北瞻樓心遠逾寥廓高每自由茶瓜
延永晝締綌借清秋翠牖何勞扇朱簾不下鈎冰盤丹果沉
石枕碧苔留浪迸頻跳鯉萍開緩泛船思蕩漾紅粉廢詩謳竹
葉生高興井棠叙舊人供飲饌勝景得綢繆洗硯惟呼僕
移牀屢召騶史才慙忝預詩句費冥搜聯璧知何在乘騶計少
休詰朝重赴局持此詫同儔公亮奉定間嘗丞是監故年

贈墨工魏元得

煤麝搗魚胞居然品高劑傳龍髓記香出豹囊韜詎可飾昭
應唯將錄楚騷多君遠持贈詩句少酬勞宋祥符中治昭應宮用
廷珪墨為飾染

送蕭同可之肇慶照磨吉州萬安人

遐方殊不惡幕府獨賢勞客路離鄉近官資過嶺高溪清石可
硯颯息海無濤此去騰芳譽公車薦剡操

送李惟中西臺侍御史分題得長樂坡

秦東有古阪一舍近重城已脫崎嶇隘仍瞻灞澗清柳條前歲
別草色春迎舊路平如掌乘驄自不驚

絕句五言

友人借書為科舉文檢閱戲書以荅之

一咲鴨搗兔終朝懶茶魚秋闈與春試却用郝隆書

公安道中

碌軸如醉翁深春卧晴綠
拘徑露不乾下有蚯蚓哭

小景扇

桂楫寒烟浦茅廬老樹枝
畫圖嗟歲暮不及見春時
訪僧不遇題壁

莎草沿階密篔簹
統檻幽禪床太清絕
聊待碧雲休
子昂風竹橫披

筆意出天機儵然仰
復低稍須風執定應有鳳來接

彩蓮小景

蓮華被君採蓮實被君折
相牽俱如絲如何能遽絕

仇雲軒調其子彥中庶

三絕句其孫今御史公度持以

前四句通字及改過

柳玘著家法馬援述交情人
梅世濟美誰謂公慚仰

三鷺扇頭

欲下勢翩、對立羽肅、風標儘瀟洒
其柰股無肉

送高句驪僧式上人東歸二首
號無外

師從東國來却返東國去
能操無外心何不中國住
暮餐城南粥朝踏城東塵
道人心似水去住本無因

送國子生吉祥海涯還蘄州觀省

少年住京國思親不暫停
豈伊居庸翠不及楚山青

磨石村口號
穀城道中

碌軸如醉翁深春卧晴綠均徑露不乾下有蚯蚓哭

小景扇

桂楫寒烟浦茅廬老樹枝画图嗟歲暮不及見春時

訪僧不遇題壁

莎草沿階密篔簹繞檻幽禪床太清絕聊待碧雲休

子昂風竹橫披

筆意出天機儵然仰復低稍須風勢定應有鳳來棲

彩蓮小景

蓮華被君採蓮實被君折相牽俱如絲如何能遽絕

仇雲軒引

中廣 三絕句其孫今御史公度持以

前四句過

求詩

柳玘著家法馬援述交情人梅世濟美誰謂公慚卻

三鷺扇頭

欲下勢翻、對立羽肅、風標儘潇洒其柰股無肉

送高句驪僧式上人東歸二首 號無外

師從東國來却返東國去能操無外心何不中國住

暮餐城南粥朝踏城東塵道人心似水去住本無因

送國子生吉祥海涯還蘄州覲省

少年住京國思親不暫停豈伊居庸翠不及楚山青

磨石村口號 穀城道中

偃却殿行騎山家少憇時黑雲催上馬不省主人誰

分憲後圃二詠 襄陽路

秋桃實纍纍久熟雙頰赤風來墮苔徑取食味如蜜 桃

雅潔玉簪花清芬莫與比不得向陽栽植根北窻底 玉簪

公安早行

誤聽野鷄鳴陽鞭趣駢程平明見茅屋方覺冒霜行

燕石集卷第五終

燕石集卷第六

律詩七言

都城雜咏 四首

萬戶千門氣鬱葱漢家城闕畫圖中九關上徹星辰界三市橫
陳錦繡叢玉盃金盃丞相府珠幢寶刹梵王宮遠戈縱堵爭脩
貢不用雕戈塞徼通

豪傑紛々白玉京汗顏血指戰功名九重見帝多因鬼萬里封
侯不用兵肥馬深塵心獨苦鮒魚波涸事難平西山小隱烟蘿
暗依舊春犁趣雨耕

風物鮮妍飾禁城豪家戚里競留情花園錦幄清明宴香擁珠

樓乞巧棚叱撥馬搖金轡具幘幪車颺繡簾旌他年定擬持鉛
槩細數繁華紀太平

流珠聲調琵琶韋曲池臺似館娃羅袖舞低揚柳月玉笙吹綻
牡丹花龍頭瀉酒紅雲灑象口吹香綠霧斜却咲西隣蠹書
客牙籤 帙費年華

聞駕幸開平不獲瞻仰悵然有作

雲裘浮翠漾朝暎舜 雍容引緝轅駝鼓一聲離 館龍旗小
隊駐花園空聞祝較西華道不及瞻天建德門自是承平好行
幸薰風無乃聖躬煩 駕出則駝上鳴鼓謂之駝鼓花園在都
城之北駕北上每駐蹕焉

明照坊對雨

章臺車馬去如流白雨霏烟拂画樓九陌平鋪明似練雨溝急
瀉碧於油美人虹見西山霽少女風來比里秋涼意滿襟簾幕
捲宮鴉歸樹夕陽收

壁月

壁月悠悠上女牆六街燈市遠微茫隨車徑去柳家婢走馬獨
歸韋氏郎戚里烟塵眩銀海九重宮闕接瑤光銅駝陌上聽夔
鼓咲殺西樓白玉觴

延祐七年十一月朔小雪既上 英宗皇帝入太廟太廟

祀享致齋萬姓瞻仰喜而賦詩

五夜飛花合御溝鑾輿拂曉建龍旂千官玉珮黃開道九陌瓊

技照彩旒皓色潛消鵲殿清光欲近鳳凰樓遙想齋宮祠祀
罷天恩應共海波流

上中書張參議至治元年有旨命禁中結燈山有司具圖
已進時濟南張公布孟參議中書省上書
諫從之且賜錢若辭不受遂賜緜帛各一以旌之

中官傳勅構鰲山公想披雲紀玉顏紫府騰書天咫尺彤庭賜
帛錦爛班丹心濟世今能遂白髮歸田未可閒早晚 宣催大
拜更將霖雨膏慶寰

送高子敬歸彭城

元龍不拜富民侯袖劍囊書苦掉頭李愿有心盤谷去阮咸無
意雒中留春城寒食鶯花靜日暮鄉關汴泗流我亦挈舟江海

去試從沙鳥問黃樓

寒食暫出

一百五日上街頭半晴半雨天悠、豪家出郭車爭道少婦當
壚人上樓輦路暗生芳草遠御溝平瞰碧波流少年直把春償

酒若箇新詩紀勝遊

吳張惟健惟捷濟南張公布孟之子賢而有文才識通
辛儀俊秀禮法從容好古物善草隸諸書當時
之名公子也

天風吹下玉魚符絳節颺輪下玉虛人海渺茫思衛虎士林樵
悴嘆曹蜍紛、故物塵凝座寂、春魂日滿除琼重尊翁休痛
吳郎君方代少霞書

衛御史

故西臺御史平陽衛弼字良佐延祐初以列郡守
許貴近意由是有旨罷西臺良佐遂歸亡何薨後
數年識其子靖卿席世賞得官亦氣節凜有父

風云

御史昔乘青驄馬霜氣橫秋烏府門太白終南讓高峻涇流渭
水分清渾神隨丹旆歸全晉名入青編紀大元欲識當時真鐵
面只今猶有鳳凰存

通州晚晴即事

南遊湖湘

水榭空明雨脚收凝笳催上驛亭舟紫霞爛剪翔鴻錦碧草平
鋪集翠裘落日開河初客路浮雲宮闕上神州誰憐五色江郎
筆真使超然賦遠遊

櫓港夜泊

七月六日立新秋船窓風露涼蕭颯神祠擊鼓鴉集樹水驛通
燈魚傍舟身在江湖頻北顧眼看河漢近西流遠人爭問京華
事為說夔龍佐冕旒

江上夜泊遇京使回却寄都下諸公

風氣涼、水氣清白掄如玉絳津明橫江渡口晚潮退采石磯
頭涼月生遠道迢、蝴蝶夢舊游歷、鳳凰城群公奮翮青雲
上應咲扁舟萬里行

書湘陰謝使君廳壁

使君聽事冷于水使君無家靜如僧門樹抱街橫暮犬戟枝當
戶照寒苻僮奴伍伯隨陽雁曹佐書司被凍蠅料得太常齋未

足玉珂朝馬去飛騰

湘陰為湖南下州而謝君敬德三年未嘗挈家故云尔也

雪中遊洞庭

楚酒初開臘甕邊
湖船遙指暮山前
鄉關迢遞不歸去
身世伶仃晴自憐
雨雪還須送殘歲
晴明應是入新年
陽和咫尺烟花媚
却寫春光被管絃

除夜宿武口驛憶誠夫兄

拼筮捐拙澹無聊
幾度他鄉遇此宵
三十男兒尚書劍
尋常意氣自雲霄
風燈直下漁歌亂
斗柄旁邊帝闕遙
懸想銀臺門下客
聽鷄忙赴紫宸朝

初冬之先壟即事

至治三年作先龍在南城之南東宜泉村沙底

烏鵲相依啄野田
白駝對立飲冰泉
蒲洲凌薄車旋濘
棘路沙虛馬懼鞭
冢上白楊時獵獵
苑中紅葉晚翩翩
嗟予謾索長安米
願就畊人受一壠

登第詩五首 泰定元年甲子

崇天門唱名

三月吉日當十三
紫霧氤氳閭闔南
天子龍飛坐霄漢
儒生鵠立耀冠笏
黃麾仗內清風細
丹鳳樓頭曉日酣
獨愛玉階下
草鮮將袍色染成藍

恩榮宴 四月二十六日

上相傳宣弁 趨玉堂西北拜鑾輿
歌聲縹緲方壺外 酒味氤

盪沈瀟餘慕額錦先晴爛熳帽簷花影晝扶踈君恩誰識深如
海獨倚東風咏藻魚

同年會四月二十九日海岸之萬春園

臨水亭臺似曲江同年人物宴華堂嬋媛咲弄龍香撥醅醪深
涵鳥羽觴醉後方言頻爾汝座中除日互平章從來期集翰京
雒仍見詩歌播八方

賜章服

自是年始撲頭花帶靴銀木簡皆具簡上仍刻御賜
字金填之五月一日皆除書回投

承平天子重科名章服分頒出大明袍是涿羅香縷細芴勝楷
木素文橫晨趨象魏雲霞聚夕奏龍墀玉雪清遙想鳴珂朝會
處鶴行爭訝被恩榮

上表謝恩

五月二十一日時駕已北幸

瑞日鮮明射玉題華袍綵絲近梁恩舍人宣贊瞻丹闕新進趨
鏘詣赤墀黃屋雲行天香邈綠章風送路逶迤湛恩豈許須臾
報要見他年獻納辭

海岸春行

越橋西下苑牆高綠染垂楊絳染桃霞擁玉樓晴啓戶風生瑤
海暮翻濤官囚立馬看花擔漁隱聞鶯罷竹篙唯有香園春事
好幾人詩興似吾曹

送朱仁卿旰江觀省

晴霞紫陌忽逢君暫託塵衣訪白雲上國離人心草々北堂慈

毋夢欣々波衝海淀漳川合舟入鄱陽楚路分珍重驛程詩句
好不妨馳寄慰離群

和張仲容雜詩

蓬萊雲彩爛東方魚鑰開門禁漏長萬
樓臺爭霽色九重宮
闕動秋涼羽林執戟趨神武騎容飄纓入建章獨愛芸窓常寂
寞六街車馬是誰忙時予初授書秘府

誠夫兄由兵部員外調選江浙次留別詩韻送之

鯨鯢吞餌鉤撻閒英蕩開丞使節函北地開河搖落後東吳風
物咲談間晴湖泛艇鷗衝槩夜郎懸燈馬卸鞍莫以遨嬉夸小
委春風今在五華山山石京西四十里都人四時遊觀

和趙魯瞻海岸冬日晚歸

白塔高標射紫霞鳥栖宮樹客投家燒香人
變兮月穿市兒
携剪彩花首宿地眠朝退馬蒲桃園隔宴迴車人生要縱長安
眼何事能容便面遮

閏月五日即事

皇都萬家欲何往信馬悠悠成獨行繫纜橋邊春水急吹笙樓
外暮雲平金絲柳弱窻臨道羊角風高塵過城取次韶華堪寓
日詩情飲興一時止

寄題汾河石橋

河在澧州北四十里實往來孔道州人謝
氏疊石作橋壯麗宏濶予自延祐以來凡
八過其上慨念行役之苦為之惘然

灣水溶溶漾碧虛白虹高偃接雲衢深春曲岸栽楊柳落日

含毫

士莫盡寒江待渡圖

秋思書將陵驛 館伴安南國使還鄂

斜陽催出鳳凰城津鼓聲沉夜槽鳴海口風來吹酒醒漳濱葉
落喚愁生望深夕浦蒼烟暗夢入秋閨素月傾况是潘郎年紀
到二毛侵髮不須驚

秋浦夜泊憶誠夫兵曹兄

悠悠旌旆 郊亭車馬東門勞送行 嚙命但知談咲樂趣裝方
動別離情千山萬山風月恨十家五家砧杵聲惆悵粉闌人下

馬碧窓誰與對書檠

送哈八石文苑僉憲浙西

五雲仙珮厭朝鷄抖擻春衣着繡衣陌上好花晴幕漠津頭行
路逶迤揚梅佐酒火實粲鱸魚作膾銀絲肥共道莫教辜負
口不知冰蘂可充飢

雙清亭春日獨坐 時張為都水徑歷双清幕府名也

帝城何處不紅塵小海危亭獨可人 簦箬舟航浮上輝笙歌池
館接西津恩波浴鷺連州暖宮樹啼鶯隔岸春不用鞭笞丁官
事笑談容得幕中賓

二月二十二日野寺哭張仲容

身前誰不羨詞華水散淪漪日散霞仙桂無緣空種樹幽蘭有
種自生茅淚飄舊殞棠梨葉酒入荒臺野薺花最是相知嗚咽
處洛中松柏渺天涯

送張益功江淮覲省就赴河南幕

清時郎選重華年英妙如君衆口憐燿々寶刀新試刃冷々瑤
瑟舊調絃思親將捧白鳩杖去國還浮畫鷁船淮浦汴堤俱好
在吟詩仍似水雲天

送貢泰甫還江東

河流欲冰燕雁號僕夫出門具吳舸三年遊子住京國一日念
毋還江臯才名豈藉功名重詞氣終隨意氣高欲識別居情卷

續臨岐持贈紫絲絛

沙低拜掃一百五日侍誠夫兄出南城拜掃沙低先壟歸
碑高守嚴秘呼主人開門讀竟憇園後小亭四旁植
卉木成列甚多峙二壁石于巽坤隅移時將出主人
前導渡由碑前過一柵門旁鎖二猴云畜四五年矣
有偶懷果戲擲調之亦跳梁可玩己而要坐外閣茵榻
簾几事皆清致以浙甌供茗令人洒然少頃風作命
僕就懇折花主人送出且以辛夷花說獻上馬轉至園
後適李盛開乍賜者踰牆竊致之遂歸自豐宜門子偶
有詩思至披雲樓成唐律一章白兄抵海岸屬和已就
遂君實祇監求紙高訂錄呈諸公主人周姓亦頗知好
客云

風花寒食舊城陬路指灣碛思致幽沙隴致錢買鼠郊扉擲

果調猶猴辛夷已愛園丁戲穰李尤煩步卒偷自是詞人多樂

事繁華那識抱官囚

拜掃時野人獲龜醜恠可說予以錢七十
五文得之將以歸遺兒子

春暮双清亭小酌懷張益功

吏退公庭雁鷺行持盃暫對水雲鄉
山開卷畫涵晴影花落煙
肢漾晚香酒幟隔津標柳陌漁舟避浪向蒲塘
懷人不得同相賞空賦停雲第二章

晚自宦者門入院馬上口占

繚垣齊拱禁門高別苑斜連御水遙
芳草有情生廣掖垂楊無力倚危橋
承宣白面風標後入內華裾意氣驕
么麼詞臣不遁籍却疑宮闕在璇霄

病暘東王君實太博

卧病三日如三秋時見謝程蘓孟傳環堵自疑溟漲外高居獨

在閩山頭醫師矜視投苓朮文友過從遺脯修獨恠新除齋博
士不來相問負薪憂謝敬德程時叔蘓伯修孟道原

送道士李希白還山

洞中流水五芝肥霍上仙人萬里歸
海月伴殘丹灶火天風吹動繡雲衣
焚香松室招王遠躡履名山訪子微
聞道長生有真訣我從何處叩岩扉

和蘓伯修應奉上都試院夜坐韻

八月簾帷試夜寒諸公文酒度更闌
然藜共臨天祿分茅何勞問懶殘
誰許挂枝平地折莫將花樣近來看
主司不是冬烘者解送宜勝十政官

送誠夫天監兄代祀海神

毳帽貂裘素綺裳
明時遠致御封香
朝端使者傳天語
海上神君見火光
萬弩射潮非計策
三山湛影漫文章
靈來細祝憂勤念
不是求仙漢武皇

送劍州任倅

愛君儔昔賦遠遊志
如鷓鴣橫霜秋絕才
應辟到滇海挾策赴
調趨皇州蜀山秦樹
有德色猿聲鳥道無
羈愁里中同舍不做
儻坐守塵編空白頭

詠御溝

決、穿雲出澗初十迴
百折到皇居行人不敢來
飲馬稚子時

能坐釣魚內史府前晴
滉漾雲巖觀後晚舒徐
波漫略約通丹禁風颺
輜輶映畫裾三月霏烟
着楊柳九秋涼露泣芙蕖
荒唐莫說流紅怨自是清
漣解起予

送益陽州守楚先海涯

楚武定公阿里海涯之孫由宿衛初官

龍節光臨澤國遙
鳳毛聲振相門高
朝辭闕陞香凝袖暮餞郵亭酒
汚袍我愛其棠留楚甸誰憐鴻雁集江臯
一州如斗君休薄考最猶能張爾曹

送賈孟善闕浙覲省遂奉之官淮安

浮雲一昔涼風起
遊子匆、買去舟喜奉嚴君辭
遠徼不因客別神州白蘋漢、吳岸紅樹蕭、楚驛樓
總是停梳捧觴

處知君無復有離愁

次韻誠夫兄鹿正門外晚歸

碧霄雲物獻詩題
雙閣西邊日取低
弦月彎環城上塔
錦霞鮮麗水南隄
仙郎下直辭鷄樹
獵騎收圍撤兔蹄
爭咲閒身空七尺
不因鼙鼓卧幽棲

栢堂

劉母熊氏三十而寡不嫁其子觀作堂名栢以奉之

到處慈闈總樹萱
君家庭院擁蒼官
心非紅紫爭春意
人似青葱奈歲寒
錦帳羅襦秋折鳳
雲窻月戶曉栖鸞
階墀更有芝蘭在
掩映濃陰十畝寬

南寧彭使君重建東坡載酒堂

澹州

椰葉椰暎祠宇椒漿桂酒蕙肴蒸
古人不作千年恨遺跡猶存百代徵
魂魄何須歸玉局是非從此見金陵
使君作室吾儕咏一咲俱成附驥蠅

蘇伯修撰分院灤陽衆仲陳君實王有詩送行讀之

灑然動人清興走筆擬之

桑乾居庸南北京嶠山澗水相送迎
羨君于茲三扈從憐我不得一絃行
到時文酒度長晝去日車馬奔新晴
鰲峯清語應見念使僕鄙吝心中萌

琴士項崇節還新安其人居京師七年嘗為威順王及魯國長生琴

調絃理曲世涵，百代斜川鑒識高。有耳唯聞廣陵散，無生不
奏鬱輪袍。長安米索塵凝席，千里尊香月滿船。忍道醉眠鄉
且去，玉徽明日楚江皋。

早春馬上即景書懷呈張益功左司

日、騎馬到西城，年來竟無清興生。水潭照影覺形穢，雲岫
對人增眼明。墨客詞流驚邂逅，玉珂香轂惱逢迎。鳳池賴有知
音客，一曲陽春為寄聲。

歐陽南陽還臨江便道之官廬陵幕府前翰林檢閱
撫州錄判

東觀玉堂如積薪，十年補外空勞神。紅塵赤日能敗興，白鷺
滄洲却可人。相閣老捩函墨，沼官亭新柳送車輪。扁舟一月

桃花浪歸及臨江，上春

送李彥方福建憲副

綉衣乘遽度，關回望皇州。紫氣間輟直，暫勤安赤子。臨岐誰
敢嘆，蒼顏陞辭此。日嚴將指疏，奏明年早賜。環自是輶車不游
覽，往來多駐武夷山。

道士王用亨父母年高作壽慶堂其上世蜀人仕宋今居

江東

雲錦溪頭小有天，崇文宮畔地行仙。故家喬木三千里，流水桃
花五百年。雲液養齡春漱滌，霞衣上壽晚翩躚。山中玉斧傳真
訣，應向高堂說又玄。

暇日小集項鍊師丹房

鍊師字子虛

新秋道院涼如水載酒幽人對綠莎
移榻小窓從嘯咏抄詩別館儘經過
勞生不解談丹鼎明日堪憐動玉珂
吟罷自慚題字惡定應無換群鵝

和孟景璋早秋即事韻

葱籠仙桂壓勾欄月下娑娑玉臂寒
荷榭有風紈扇歇醉鄉無暑蔗漿殘
銀燈光散填河鵲粉香舞鏡鸞惆悵邊
衣何日就錦書同附勸加餐

李良臣之睢陽別業為其考平叔公作家廟予校書時李為秘卿

憶昔青衫典校時尊翁作監鬢垂絲
蓬山風月誰能記萬里衣冠我獨悲
黑壤禾麻存別墅素帷香火待佳兒
舊僚猶有丹鉛筆試撰鹿牲第二碑

送藝文令史宋子與驛召歐陽原功太監湘中便道過家親省蕪簡吳彥暉徵君內翰周子嘉省郎

風雪閉門貧病嬰聞君南去愜我情
萬里獨游舊官長十年一拜賢父兄
征路快馳宛騾裹歸期應及閏清明
梁園楚岸春俱好一訪相知為寄聲

江西袁慶遠由郡博士為幕職再調潮州路經歷徵詩送行

長松礫砢出霜林不分儒冠久陸沉嶺外官資雲路快城南祖
帳雪泥深紅蓮綠水無多事翡翠明珠肯動心莫道皇都

南岳李煉師所居號盤中

南岳峻嶒倚太空盤中勝地著渠儂烟霞近接朱陵洞雷雨潛
通天柱峯仙境得名符古昔道人無事養疎慵他年準擬尋松
霍歸日應能借竹龍

送君則林倅南還辛酉登科今為京尹主人

經筭便、玉價高帝城十載屢遊遨月中前度攀丹桂天上今
年種碧桃燕市風塵情浩、吳帆烟水興滔、仙舟幸有金華

客共與哦詩飲濁醪與胡古愚同行

閏三月七日城西訪友不過馬上口占

寒疾連朝避風日今晨一出復何如扣門投刺意不愜上馬逢
人情有餘飢雀啄蟲行廣陌垂楊飄絮汎汚渠暫經馬市緇
塵滿歸去蓬窓理舊書

燕石集卷第六終

